

BEKARIO!

ZALDI ERDA



Nafar Kronika

Pello Argiñarena

98ko desastrea

DENBORAREN MAKINAN SARTZE-RA ausartu naiz. Betaurreko birtualak ipinita, hauxe ikusi ahal izan dut hamabi hilabetez aurrera eginda. Telebista digitalak han-hemenka, Euskalerrira Irratia lizentziarik gabe, pakea Irlandatik gertuago, euskal presoak Euskal Herritik urrunago, etikak eta klonazioak elkarrekin topo egin, Oteiza munduarekin haserre, gripea, Urralburu eta Aragonen epaiketa, medikamentazioa indarrean; Ibarretxe seigarren urratseko lehendakaria, Montxok oskarra eskuratu, *España va mejor*, ETaren atentatuak eta bahiketa, atxilotetak nonnahi, Olano ez da Indurain, Konstituzionalak Itoitz ito, 2000 (-2), euroa badatorrela, Gora San Fermin, euskara kalean gora erakundeetan behera, Sozialistek Urralburutik Lizarbera aldaketa eskasa, Osasunak promozioa erdietsi, kutxazain automatikoa erreta, GAL auzia *El Mundo*-tik auzitegira, Gonzalez Europara. Oporrak, Munduko Txapelketa Frantzian, Chiapasen sarraski gehiago, UEUren 26. edizioa, Hirugarren espazioa izenetik izanera, Nafarroa Oinez, Mahai Nazionalak urtebete espetxean, makroekonomia primeran, mikroekonomia segundana, Roch kafetegiak 100 urte, infumisioaren urratsak kuarteletan, hauteskunde orokorrak, tratu txarren aurkako neurriak... Lastima! Denbora bukatu da eta makina gelditu egin da. Beste hainbat gertaera ezagutu gabe gelditu naiz. Duela mende bateko 98 hura *desastretzat* jo izan du historiak, batipat espainiarrentzat. Aurtengoan ez gara urruti ibiliko. Edo bai?

KONTZERTUAK

- **Berriozar:** Pablo Sarasate Orkestrak haurrentzako entzunaldiak eskainiko ditu gaur, astelehenean eta arteartean. Taldeak bi lan eskainiko ditu: Saint Saisensen *El carnaval de los animales* eta Beethovenen *Lehenengo Sinfonia. Minuetto*. Entzunaldiek datorren astean jarraituko dute. Asteazkenean eta ostegunean, berriz, Rossini-ren eta Stravinskiren lanak entzuteko aukera izanen dute ikasleek.
- **Iruñea:** Oskorri taldeak bi kontzertu eskainiko ditu bihar, 12:00etan eta 17:30etan, Gaiarre Antzokian. Taldeak bere azken lana aurkeztuko du: *Marijane kanta zán*.

ERASKUSKETAK

- **Lizarra:** El paso erakusketa ikusteko aukera dago heldu den martxoaren 8ra arte, Gustavo de Maeztu museoa.
- **Barañain:** Gaztediaren Etxea eraikitzeke ideien lehiaketako lanak biltzen dituen erakusketa zabaldu da Kultur Etxean. Erakusketa ilbeltzaren 30a arte egonen da zabalik, asteartetik ostiralera, 19:00etatik 20:30etara.
- **Tafalla:** Kultur Patronatuan *Las mujeres mueven el mundo* argazki erakusketa dago ikusgai astelehena bitartean.
- **Iruñea:** Rufo Criadoren lanak ikusteko aukera dago Carlos III aretoan, hilaren bukaera bitartean.

BESTELAKOAK

- **Iruñea:** Nafarroako Esperanto Elkartek esperantoa ikasteko ikastaroa antolatu du. Astelehenean hasiko da, Iturramako San Juan Bosco kaleko 15ean, 19:00etan. Izena eman nahi izanez gero, elkartera hurbildu behar da.
- **Iruñea:** Luis Fernandezek eta

Josu Chuecak 'Espainiako Gerra Zibila Euskal Herrian' liburua aurkeztuko dute ostegunean, hilak 22, Catachu tabernan. Arratseko 19:00etan.

► **Barañain:** IKako Sahats euskaltegia 1997-98ko ikasturteko matrikula epea zabalik dago hilaren 30a arte. Urrats eta ordutegi guztiak eskaintzen dira. Informazio gehiago jaso nahi baduzu, dei ezazu 18-83-25 telefonora. Barañain ez ezik, Ermitagañan duen euskaltegia ere zabalik da matrikula epea. Informazio gehiago 989-92-88-92 telefonoan lor daiteke.

► **Tafalla:** Kultur Etxean Nafarroako sukaldaritzaren tradizioaz mintzatuko da gaur, 20:30etan, Ricardo Ciervide Martinena.

► **Zangoza:** Pintura eta zaharberritze ikastaroak egiteko aukera dago. Pintura ikastaroa

urtarrilaren 22an hasiko da, eta apirilaren 2ra arte irauten du. Zaharberritze ikastaroa ilbeltzaren 27tik ekainaren 18ra arte izanen da.

► **Zubieta:** Nafarroako Kirol Elkartek mendi zeharkaldia antolatu du hilaren 25erako, datorren igandean zortzi. Mendizaleek Zubieta-Ekaitza-Ar antza ibilbidea egingen dute. Informazioa eta izen ematea 22-43-24.

gure aukerak

Harri Fiction

Urdirzo-Lacostini



*Hatsa izaki gure bizia...
Carpe Diem, baby.*

